



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-2-40-120-2/25**

Datum: **19.03.2025. godine**

„Agencija za vodno područje rijeke Save“ Sarajevo rješavajući po zahtjevu Grada Gradačac za izdavanje vodne saglasnosti na projektnu dokumentaciju kojom je obuhvaćena aktivnost sanacije postojeće deponije komunalnog otpada „Višnjik“ i izgradnja pratećih sadržaja prilagođenih regionalnom konceptu odlaganja otpada, na osnovu člana 114., a u vezi sa članom 109. stav (1) tačka 11. Zakona o vodama («Službene novine Federacije BiH, broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), **donosi:**

R J E Š E N J E
o vodnoj saglasnosti

1. Pravnom licu, JP „Komunalac“ d.d. Gradačac, daje se vodna saglasnost na projektnu dokumentaciju kojom je obuhvaćena aktivnost sanacije postojeće deponije komunalnog otpada „Višnjik“ i izgradnja pratećih sadržaja prilagođenih regionalnom konceptu odlaganja otpada:
 - Ažururani Glavni projekat za sanaciju postojeće deponije „Višnjik“ u Gradačcu, urađen od strane „Enova“ d.o.o. Sarajevo, februar 2025. godine.Projektna dokumentacija je revidovana od strane „IPSA Institut“ d.o.o. Sarajevo, mart 2025. godine, broj: 9015/24.
2. Projektna dokumentacija navedena u tački 1. ovog Rješenja, ovjerena je u skladu sa odredbama člana 114. stav (3) Zakona o vodama i ista je sastavni dio ovog rješenja.
3. Ova saglasnost ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa a sve u skladu sa važećim zakonskim propisima, odlukama i sl.
4. Vodna saglasnost se donosi na osnovu pregleda dostavljene projektne dokumentacije iz tačke 1. ovog Rješenja, druge dokumentacije, utvrđenog činjeničnog stanja i pod sljedećim uslovima:
 - 4.1. Radove na sanaciji deponije i izgradnji pratećih sadržaja i objekata prilagođenih regionalnom konceptu odlaganja otpada izvesti u skladu sa ovjerenom projektnom dokumentacijom iz tačke 1. ovog Rješenja.
 - 4.2. Investitor (korisnik vodne saglasnosti) je u obavezi da u skladu sa zakonodavstvom iz oblasti građenja angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
 - 4.3. U toku izvođenja radova neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim i postojeće korisnike voda.
 - 4.4. Prilikom izvođenja radova treba koristiti opremu i mašine koje su tehnički ispravne, bez nekontrolisanog isticanja tečnih goriva, maziva, hidrauličkih ulja i sl.
 - 4.5. U toku radova iskopani materijal se ne smije ni privremeno odlagati na česticu „vodno dobro“, odnosno u vodotoke i na njegove obale.
 - 4.6. Nakon izvođenja radova sistema odvodnje oborinskih onečišćenih voda i procjednih voda iz tijela deponije potrebno je izvršiti ispitivanja kvaliteta izvedenih radova na vodonepropusnost i bezbjednost od curenja, a u cilju zaštite površinskih i podzemnih voda.
 - 4.7. Predvidjeti da se sav nastali otpad prikuplja u skladu sa važećim propisima o postupanju sa otpadom.
 - 4.8. Podnosilac zahtjeva je obavezan ispoštovati uslove iz Rješenja o urbanističkoj saglasnosti, broj: UPI/03-23-2-124/13ID od 25.10.2013. godine i Rješenja o odobrenju za građenje, broj: UPI/03-23-2-320/13ID od 11.04.2014. godine izdatih od strane Federalnog ministarstva prostornog uređenja.
5. Investitor je obavezan pridržavati se svih mjera i uslova, propisanih u ovoj vodnoj saglasnosti i saglasnostima izdatim od strane drugih nadležnih organa.
6. Ukoliko se u toku izvođenja radova i korištenja predmetnog objekta prouzrokuju štetne promjene režima voda i to prouzrokuje štete trećim licima, podnosilac zahtjeva je obavezan otkloniti nastale štete, a procijenjenu štetu nadoknaditi.

7. Po završetku sanacije i izgradnje predmetnih objekata i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. stav (3) i članom 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata („Sl. novine FBiH“ broj: 31/15, 55/19, 41/20, 63/22).
8. Ova vodna saglasnost prestaje važiti istekom roka od dvije godine od pravosnažnosti ovog rješenja, ukoliko u tom periodu ne bude pribavljeno odobrenje za građenje i započeta izgradnja objekata u skladu sa glavnim projektima iz tačke 1. dispozitiva ovog rješenja.
9. Vodna saglasnost se može izmijeniti ukoliko za to nastupe razlozi utvrđeni u članu 130. stav 1. tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Od strane pravnog lica, JP „Komunalac“ d.d. Gradačac, podnesen je ovoj Agenciji dana 13.03.2025. godine zahtjev za izdavanje vodne saglasnosti na projektnu dokumentaciju kojom je obuhvaćena aktivnost sanacije postojeće deponije komunalnog otpada „Višnjik“ u Gradačcu i izgradnja pratećih sadržaja prilagođenih regionalnom konceptu odlaganja otpada.

Uz zahtjev je dostavljena sljedeća dokumentacija:

A. Opća dokumentacija

- Rješenje o izmjenama podataka, broj: 032-0-Reg-25-000195 od 10.02.2025. godine izdato od strane Općinskog suda u Tuzli – ovjerena kopija,
- Uvjerjenje o poreznoj registraciji od 23.01.2008. godine izdato od strane Kantonalnog poreznog ureda u Tuzli – ovjerena kopija,
- Rješenje, broj: 12/01-19-000890/23 od 20.02.2023. godine izdato od strane Ministarstva prostornog uređenja i zaštite okolice Tuzlanskog kantona – kopija,
- Zaključak o ispravci Rješenja broj: 12/1-19-000890-1/23 od 14.10.2024. godine izdato od strane Ministarstva prostornog uređenja i zaštite okolice Tuzlanskog kantona – kopija,
- Rješenje, broj: UP-I 05/2-02-19-5-112/21SN od 18.10.2021. godine izdato od strane Federalnog ministarstva okoliša i turizma – kopija,
- Punomoć podnosioca zahtjeva, broj: 02-356/25 od 12.03.2025. godine izdata od strane JP „Komunalac“ d.d. Gradačac,
- Rješenje o prethodnoj vodnoj saglasnosti, broj: UP-I/25-1-40-389-5/21 od 04.10.2021. godine izdato od strane Agencije za vodno područje rijeke Save, Sarajevo – kopija,
- Rješenje, broj: UPI/03-23-2-320/13ID od 11.04.2014. godine izdato od strane Federalnog ministarstva prostornog uređenja – kopija,
- Rješenje, broj: UPI/03-23-2-124/13ID od 25.10.2013. godine izdato od strane Federalnog ministarstva prostornog uređenja – kopija,
- Dokaz o uplaćenju federalnoj upravnoj pristojbi na zahtjev.

B. Tehnička dokumentacija

- Ažururani Glavni projekat za sanaciju postojeće deponije „Višnjik“ u Gradačcu, urađen od strane „Enova“ d.o.o. Sarajevo, februar 2025. godine,
- Finalni izvještaj o izvršenoj reviziji Glavnog projekta „Sanacije postojeće deponije Višnjik u Gradačcu“ urađen od strane IPSA Institut d.o.o. Sarajevo, mart 2025. godine, broj: 9015/24.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U provedenom postupku konstatovano je sljedeće:

- Otpad sa područja Grada Gradačac odlaže se na odlagalištu komunalnog otpada „Višnjik“. Postojeća deponija se nalazi na K.O. Gradačac II i Donji Skurgić II, a obuhvata k.č. 572/2, 573, 574, 578, 731/1, sve K.O. Donji Skurgić II i k.č. br. 1 i 3 K.O. Gradačac II. Trenutna površina deponije iznosi 3,2 ha.
- U narednom periodu planirana je realizacija sljedećih aktivnosti: saniranje (zatvaranje) postojeće deponije na način da se sav stari otpad izolira od okoline, prebacivanje starog otpada nije potrebno vršiti, jer njegova podloga u postojećim prirodnim uslovima ima elemente geološke barijere i donjeg brtvenog sloja, izgradnja i uspostava sistema za prikupljanje procjednih voda, izgradnja lagune/bazena za procjedne vode sa recirkulacijom, izgradnja sistema odvodnje površinskih (obodnih) voda, izgradnja sistema za otplinjavanje odlagališta, uređenje površine na kojima se omogućava jednostavno odvajanje, odnosno privremeno deponovanje otpada (reciklažno dvorište) kao što su: prostori za odvojeno sakupljanje metala, starih guma, papira, stakla itd., te posebni prostori za skupljanje

opasnog otpada (baterije, akumulatori, lijekovi, motorna ulja, boje i hemikalije itd.), izgradnja sortirnice – reciklažnog dvorišta, izgradnja infrastrukture (odvodnja otpadne vode, saobraćajnice i dr.), izgradnja nove portirnice, izgradnja i uspostava kolske vage, izgradnja praonice za točkove, izgradnja internih saobraćajnica, izgradnja parkinga sa nadstrešnicom za održavanje radnih strojeva i priručno skladište, uspostava skladišta za kontejnere, izgradnja pretovarne stanice, redovno provođenje odgovarajućeg monitoringa, zatvaranje kompletne deponije, rekultivacija zemljišta, obezbjeđenje svega ostalog što je potrebno za uspješno upravljanje komunalnim otpadom.

- Da bi se izvršila sanacija postojeće deponije komunalnog otpada i izvršila izgradnja pratećih sadržaja prilagođenih regionalnom konceptu odlaganja otpada potrebno je uraditi niz mjera i aktivnosti, što uključuje izgradnju svih objekata koji osiguravaju kvalitetno i sigurno funkcioniranje deponije, kako bi predmetni kompleks deponije udovoljio regulativi BiH i EU.

Uvidom u sadržaj projektne dokumentacije i druge dokumentacije koja je dostavljena uz zahtjev za izdavanje Rješenja o vodnoj saglasnosti možemo konstatovati da je cilj unapređenje zaštite životne sredine kroz sanaciju postojećeg „divljeg“ odlagališta otpada, poboljšanje sanitarnih i zdravstvenih uslova, te da se realizacija projekta uklapa u osnovne prioritete upravljanja otpadom u Federaciji BiH i u integralni sistem upravljanja otpadom.

Investitor je za potrebe izrade projektne dokumentacije angažovao licenciranu firmu „Enova“ d.o.o. Sarajevo. Projektna dokumentacija je revidovana od strane licencirane firme „IPSA Institut“ d.o.o. Sarajevo.

Ukoliko u toku realizacije projektovanih aktivnosti na terenu dođe do odstupanja u odnosu na projektnu dokumentaciju na koje se izdaje ovo Rješenje, tada je Investitor u obavezi da uradi (inovira) projektnu dokumentaciju izvedenog stanja – hidro fazu.

U dokaznom postupku utvrđeno je da je projektna dokumentacija urađena u skladu sa uslovima iz Rješenja o prethodnoj vodnoj saglasnosti, broj: UP-I/25-1-40-389-5/21 od 04.10.2021. godine izdatog od strane Agencije za vodno područje rijeke Save, Sarajevo, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju iz člana 1 ovog Rješenja, data vodna saglasnost na istu.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog rješenja, propisani uslovi koje je potrebno ispuniti tokom izvođenja radova, shodno odredbama Zakona o vodama i Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Na osnovu naprijed navedenog, a u skladu s članom 114. Zakona o vodama („Službene novine Federacije BiH“, broj 70/06) i člana 7. Pravilnika o sadržaju, obliku, uvjetima, načinu izdavanja i čuvanja vodnih akata, riješeno je kao u dispozitivu rješenja.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka:

mr. sci. Selma Merdan, dipl.inž.geol.

Prilog: (Tehnička dokumentacija navedena pod tačkom B obrazloženja Rješenja).

Po ovlaštenju
Rukovodilac Sektora za izdavanje vodnih akata


Nihad Pezo, dipl.inž.građ.

Dostaviti:

- JP „Komunalac“ d.d. Gradačac, Ul. H.K.Gradašćevića br. 62 Gradačac, (sa prilogom),
- ➔ AVP Sava, ISV-vodna knjiga,
- sektor 40 – arhiva,
- Oglasna tabla AVP Sava-Sarajevo